

3487
4540
v.2

櫟素村話 坤

BERKELEY
LIBRARY
UNIVERSITY OF
CALIFORNIA

卷二

Carpentier

○黃判書仁儉即大司憲梓之子也律身清儉為嶺伯時刊其
外曾祖寒水先生文集山水軒權公方校離苗營方伯之母即
權公之姑母也適丁其忌日權公亦與徐見衞婢之舉案看漿
衣裳似堪末時所著者矣當其巡宣著其先人必著冠服既故
弊而又石中其躬道由有名臣而以為吾人之親屬病不服其
藥其為貧伯也置小爐于座側自以短竹燃南草使令焚之而
簡率以此

○黃公之為嶺伯也深懲方伯生財之術不由其止不遵舊例
只務節用及其於窮獨名鄉盡錄同鄉微細之人而亦不減
五成俸減之黃公曰石可此等人生豈能受吾扇之脫哉今

幸得之而為采則不惟目把不欲推而及人也五豈多年哉其
弟昌城尉仁黠來謁方辭歸資送大畧都尉告以在道好乞其
公笑而不許其贈益曰都尉之行豈但資在我哉蓋都尉不欲
其傳食於列邑故曰其小與也先是月城尉金漢蓋居而甚儉
約行不乘輅而闕人問者不知有都尉補以古之東平尉其後
補昌城如月城蓋輒賢文之之善誨久

○李崇祖即龍溪君慶僕之子也以正朔金氏之人士寅之福
與邢儼竇錢仁佐等死之人有言曰忠於金乃所以忠於國時
其子麟錫在襁保隨其母沈雅及其長成目不識書性且麀焉
牧逸元不可用金陽澤之為湖西伯也人有薦之者曰其才可

堪幕僚方伯縮眉而不許薦者曰今公者兼斯人則必得誥也
方伯乃置之子舍而食之麟錫徒食而終日无所改爲坐如偶
人卧則晝寢至於聲色一不當於心目如是月餘方伯聞而異
之會映東諸是大被水灾欲送幕僚而療察方據其人或曰莫
如李麟錫也方伯白問曰爾能曉文墨否曰未也能解謠書乎
曰未也曰吾欲使汝應探映毫而忠汝不能爲也曰然然能爲
也遂送之麟錫被事而遂死一字傳書直到幕府讀其姓人能
文者曰吾將作傳書誘我口乎而或半許即如其言方伯見
其災傷民瘼等語能撫悲無遠大果之曰曰爾能爲此乎對曰
假手於幕僚某人也即招許而問之對曰一送渠口將死一加

減也方伯於是大奇之居无何麟錫請訪其知舊之為宰者出
連道内未滿一旬即以幕僚指之麟錫乃乘駟上謁任職嚴謹
方捧糴未了而入謁同僚坐幕府而閒呼列妓乍退糴簿方盈
乃曰此乃營穀之以未捧為已捧文書而束久矣此中其又有
使道既侍兩妓之母所犯夥然吾輩亦不似為貧也麟錫正
色拒之遂直歸其府提致兩妓之母幾斃於柵楊以日盡捧營
屬股并相謂曰彼妓之母尚不饒貸吾屬焉敢抵賴乎攜負相
續不數日畢奉乃入謁方伯益奇之遂於力歷仕以五衛將拜
沈島郡守金尚詰以大士指銓曹政吏謂達政格俾不赴任金
陽澤選尚詰於函中曰此人以年士究士人之子銓官承傳

教調用而今乃作宰大監沮之以政格上意必不悅也尚詰
曰吾怕不沮使之赴任也及莅官郡有一大訟蓋島中曾有士
夫家破堰而延廢甚廣大居民已起墾大蒙其利者亦久矣至
是方伯嚴問于本郡勢當還屬於本主堰主僕屬三十餘人將
推其地先以怙勢作孽民不任其契矣太守乃發卒盡縛命壯
人即日押去有一不登陸者罪當撈死島民已幸其是時方
伯巡到隣邑抵島太守亦往謁與二三守宰先想于方伯幕前
有一少年或引或坐乃解言曰玆島太守胡為拒道方伯嚴問
而盡逐堰主之奴乎太守顧左右而言曰彼誰之子使道之孽
子乎孽弟乎渠當糊口於官中而已方伯太守之為政深少敢

干涉乎且吾乃佩印之官渠乃傲惰而又發言若是乎決非士
夫之子也辭氣甚厲其人抱頭鼠竄而走遂謁方伯詳陳為民
之以此^上資生關係甚重且既棄者壑之亦久勢不可棄自有
營門嚴閉堰主之作挈大為為民之騷擾其為牧民之官者不
得為民也方伯不悅持之不已遂跪而進曰此為使道地也
為人言云幾百緡錢為賂於營門而乃至於此營門寧有是哉
萬口一談誠不可欺論之^上也^是以郡守及辦營門之誣不敢
遵營門之令如不信郡守之言願指為民面^上諸公方伯乃受
名曰然乎須更直行事也自是為中集堵而口碑之^上構錫趾不
膠而通達剛毅有乃父之風亦可用之人也^上其兄故錫為言其
事如此

庚戌太有年百穀皆登原隰且均而凡菜果等人所可食者無
一不豐八路同然斗米直十二文錢古未有也辛亥歲雖大歉民
不甚苦至壬子饑饉存臻道多餓莩人或相食都下飲食之肆
設網以禦人攫油肆賣其荏滓其枚如粟各司胥吏納之袖中療
飢而服役至若丙辰戊辰之米價殆近庚戌而其均不及乙亥丙
子之餓莩不及壬子而其歉殆類而午大旱湖右偏為赤地而
民鮮餓死或云今人不幸而值辛壬之年則不至若是之死值壬
午之旱則必免赤地之如彼

○權瑞東之為瑞山宰也杖寒族金姓人二十度不久而死其子被髮
直入官曰方以殺人告官閤者莫之禦時太守方坐府直走上階吏

卒爭呵噤之遂拔懷中釧以麾之人皆却立乃陞堂而釧擊之太
守急禦之以手傷其指掌血淋漓吏輩遂把其後裾脫釧而縛
之下獄而報方伯法當死當時士論或以韓柳復誓狀議以為父不
受誅子可以復誓原其罪出於孝則可恕也然既害牧民之長則在
法不宜免死既作舊囚解枷累而拘留而已或曰子何以不遁乎答
曰吾父死屬纊而出門欲復誓而未果屬纊以後事吾不知之天
下之罪人去將何之遂織屨而延命及幾年冬月將盡卜之曰吾
必死是月也及絞于官門外其妻來訣館于咫尺同時自縊死是日陰雲
淒々白日慘慘人皆悲之噫夫為父死雖曰罪人而孝子也妻從夫死孝之子
配而烈女也或曰其名潤死時有稚子育於其外祖云

○朴知事致遠 甫在朝在垣閣能直言敢諫時 英廟居潛

邸朴公以官差之作樂有所陳啓及 英廟晚年入耆社上
方引見耆社諸公指朴公曰彼重臣曾不駁者予也朴公對曰
先朝用言路差是以忝在言責之任雖有不言美入稱臣諷
諫之善朴公後召致和

○朴公曾以三諫止者於世辛壬之際與洪參判錫輔并逮繫
王府情契甚厚洪公既沒朴公位卑鄉居者已多年而朝廷新
進知者亦鮮朴公適入京訪洪公之子象漢時方佐列卿莫知
先契例以鄉中一文官待之俄而趙采國入京主人起而款接
語媿々膝目前希朴公正名曰言官有忠良臣者其人善人也

嘗視我人今也則亡是以吾訪其子于古宅其宅徒存其子
亦已彼大監雖也記昔王府翰臣也與我者素儉也彼乃其
從孫也大監所立情契之密邪梁國以起而出於今乃不辭而
悌

○徐相國宗素編朝記野錄士類稱其秉心之公其子相國
命均當辛丑冬送官尚儉用事而亮黨并進用拜吏曹丞議不
出其子相國志修亦清儉律為世有今名志修亦諸 國至梨
峴通衢見一童坐於小橋伏謁曰見主事以力至此炭翁歸曰大
監此何事也一市人皆大驚蓋相國族也居北川有以童炭資
生者也相國曰經見主事一僮人往吾家待吾名退炭翁曰

吾願世不著也命徒者得一卷而加省且使市人吾賣者以得

及公退即出新衣一襲軍士監樓款待十餘日厚遺而歸之

○沈鏞以名聲齒家子乘肥衣輕少有甚俠之意年弱冠過錦

江時天寒有一人將溺水一婦女挽之將赴未赴踴躍相牽鏞

下問其故答曰歲以官糶逋命今空百計為家徒四壁未由

了債與此死於獄死無溺於水且救懷不為要名沈鏞即脫袍

解其羊被裘賜皮襦及絹紫衣且脫其鼠皮大揮項并與靴馬

而與之曰斯所以為債而死也沈鏞唐縣伍亦直千金邀以短

紫衣如袍而步歸後蔭補累官郡是

○趙判書明鼎在襁褓育于同家及為湖西伯收養者已瘞

於道內方其巡察全五宅備祭需為自上全而絲列宅守寧多
會今上乃立石自述其全陰曰收養子忠清道觀察使京樞書
人稱其能報所育之恩

○南相九萬旧第在平洞我外從大父朴仕實公買而居之堂
前有一松老盤屈古多每夜夢有一老人坐其上而泣甚異之
遂掘其下有一木椀開而視之即南相髣髴也即通于本家子
孫送一青衣持去曰戊申兵亂時所埋也蓋南相雖以功名致
亦鍾氣者七分傳神能有是驗於埋却十餘年之後其亡果哉
○南九萬制租稅而水田外陳瘠者不許定傷蓋以陸田為田
并收穀也人或言其後之不易職此之由洪啓禧判均役法傳

事聚歛以國曾懷進身之計李公台重曰彼姓名以該書宰相
實不法大學也八道監兵營及列邑并失魚鹽稅之權利而自
是魚產極盡民受其害良民之役二正布者皆減半而不以為
徭貧民之志結納者既力綿而石堪其苦鄉邑商旅之赴市者
咸怨其地稅而至於老弱之負薪與鹽者孤弱之販鹽少物者
負殊脫桎誅尤而此等夥歛未必其入于公用反作中官監皂
之利民相謂曰為此法者其死後守政啓禮力死守殊殊滅
○國朝以來培養士氣朝廷有事則雖學必先上尊太學名為
名苑之地而防祿小朝廷 其後乙丑 遂修明廟以 御
製常訓中時周二字次可畏於德園 上即命改以為王四學

儒生世啓億等上疏請北趙明廢而以為春秋之亂賊列聖

之罪人 上大怒并罪主掌疏事者及累前 遂逐名於儒籍

者凡十人皆免為庶人赦逐田里時我後兄東沆氏姊夫鄒

公雲煥以掌儀被逐上 天怒益甚至於親翰十之人之父或

有死者不得免成以教子不肖辱廢止於寵配疏死之父高集

以老陰官受刑若干度祐孟孫女初不遂從謂若因之我叔

子陳疏 上尤大怒加刑千二度起巨沛分等止往解儒而服

古例也又 今月令儒生不敢罰朝士 士氣自中家然已已家

况與并移第康都俱為學掌儀與僉任上疏以為孔林位叔

書以大成至聖之宣王乃夷君武定乃贈諡後遂宋朝不稱至

聖先師且請太學大祝去虜號疏入未蒙 先翁時迷庵金公

偉材函疏事嘆曰春秋之意方為世以諱而士能有堪醒吾心

是為安南煇先生聞之曰通書周子精粹之字朱子社家涉有

也而乃曰宜其五祀万世以相於元主誠贈而政其五祀也丁

丑我堂叔父為四學諸儒首疏請以金洛陰及三學士與尤菴

先生配舍大報壇庭 上以為撥捨被垣除論不批而摧折之

自此以後儒統無可闡者而士氣竟不振族公諱德潛堂叔諱善洛後改曰廷臣

○英廟嘗欲管成均館守僕洪五蕃五蕃曰小人乃聖殿守僕

也雖^以至負之威不可推也若除其見任脫其佩服則對諸日

殺之可也 上命釋之可見聖德事也五蕃嘗見宮苑玩遊之

具伯至泮水橋入集春門當橋頭北而逐之若非聖主崇獎
太學則渠焉能若是邪

○沙溪先生以栗谷為師尤春為弟子以黃岡為父慎齋為子
正猶文王之無憂道德極備而文章自謙故或使門人張銘谷
執筆以呼義理之說則若孔門人記夫子之言沙翁嘆曰持國
誠文章也南塘先生曰從古大賢未有名不及實者猶沙翁之
德人鮮能盡知所以子孫昌大福綿遠也

○左菴先生承斯文所命修整遺稿多費精力沙翁嘆子集
凋訛曰是左沙集也渠常以栗谷入山之失自證於予人者故
其言如此左翁嘗引用靜菴先生之言雖筆札久曰既非左先

生之命後學不敢改也

○肅廟丙寅寒水先生傳元菴先生于華陽初除持平諭旨至尤翁為製辭疏其所以使之不出亦猶顏子陋巷夫子存者歟南塘先生學徇寒水之源而師教勉赴公車之徵政官切擬謚議望蓋深惜需世之才且也二先生之教以出處對不同蓋亦時措之宜也歟

○寒水先生之子府使公燧聰明才學仕宦倫潔自韜晦獨與南塘先生討其精蘊塘翁深加敬嘆曰公以此才學何止自晦之甚耶曰有父兄在安敢有所知

○靜坐齋沈公潮以江進江進晚進卒業於南塘而師事之嘗曰塘

翁於我有同極之恩。塘翁待之以同門友。正如朱門之蔡西山。
平沈公於我理精微多致。塘翁常許其得造乎道。拜
即教官出。恩命。

○南塘先生曰：王於付之者，亦多與語道。蓋先通文，然後可
究精微之蘊。而能盡時文之精妙者，未有不通於文。我故以
進而能者，領悟也。王附之者，其不欺汝者乎。

○南塘先生嘗對王布策者，嘗言：王布之不可，新先生與
其叔相及，對以王布之不可，同所者，知也。必不利而沮之。先生
曰：考者既問其各有所蘊，只當自陳其定見而已。果不利，賢
者之赴舉，豈若此之微幸也哉。

○程懷化慎出方人也。在菴先生謫徙原州，受業服勤，慨人
訟，疑及嘗為師抗疏言世切直，或指觸人，廢生中自之人，以項
直崔公微服之，厲聲曰：吾則受天地正通之氣，於項自直諸君
之項，無乃移乎？嘗為懷仁宰，捧糴令曰：有田者，有賣田土，有賣
子者，賣妻子以納之人，言喧騰尤翁責之曰：對北方國者，此多
故云然也。乃等誤淫也。云日記先生日用言行，名曰荜陽，即見
歸殆類，雖意盡出，先生全在廣州，曾為南漢而守，著立石以
表其金德，且全下完人，出求子以為法，銘之土，因傳，殆且全云
此方亦林，客者行身三十日，不知善惡，情向學，諸黨于其間，門
下初受史，思為善教，行日，布人談時，門下諸人，傳說如雲，而屈

首其偶同質粗淺不具人想笑讀本一丹文理大盡通選佳者
畧通大義先生曰有可作文也以洪範說為題客文出緒滿三
幅紙先生曰則之若是者三先生曰此則為可法後也每及門為
兩忘反厚先生沒亦千里徒步歲一拜為婦丙午林崖韓公
等洪川客臨愛國歷訪時明湖以兄弟會子舍業時文客諸同
做下筆不暇天是是然自多顛倒成章三四五編筆之能下
曰觀法作思欲移之為自述又三四五編無可忘竊恐有非者
人李新井者閩林家之風而興起三十而始向學林家曰吾師
門人有南塘韓先生方在結城地君可往學焉新井即買馬載
細布料理糧用何到謹順時寒山李公方閉門搜徒四方徒者

如雲人皆勸其舍遠取近新荒曰不可吾在也己聞有南塘先生而到比決不力中道改路遂拜林崖韓公于旅第隨至南塘始受少微通鑑教行其法于廣思菴不避寒暑雨雪每日及門減紙動人先生必自教書晝夜大讀終了一帙文理頗詳四歲勤苦暑曉恒出及文必家札而歲值壬戌三蓬毒癘悵心傷思遂辭歸此人之從學問礼者自多云後以子復來學於明湖另廣思菴歲餘勤學有進而悌大抵也方風氣強動故以此累致之勇能曉學而成孰者若是夫

○崔暉臨山寒後也一門力穡免耕字者暗云免成章方自新忽^前忘向學之心逝之猶念乞飯而學于字文其父尋之鼓而回

情使致樵野輒遊之僧舍莫不禁也其父乃任他而或助其糧
遂從儒士之樓者受少微通鑑一部大讀千餘遍文理大進
乃用功於經史子書登主序對策於增廣而修第官止別提斯
可謂凡民之俊在而於無文王猶與焉贈之生也夢龍寄毫
登天及中大小科亦

○白胤者號曹吏也好讀書善屬文精力御家自有儒家模楷
及其死其子護以末謁父蒼先生請全文先生授其事覽其之
亟加稱賞而遂贈其全表余嘗一覽今不能盡記然為國家
有書之自上禮曹堂上書賢雅禮記注言有考據又亦曠茲及
行世親壽宴用溫公家上壽儀世他言行感有可稱以如許文

行混於車聲馬跡之間此久翁所以許之以素位而行者歟漢
以亦文雅如儒生久翁不以吏胥待之故刊其文稿云

○南塘先生之妹李氏婦幼時見姪子年稍長學史畧者傍聽
一卷而文理已通能看他書見姪子作詩時或對草則語能
人長者見之曰此非某兒所能及知其長大異之先生作韓氏
婦訓書以與之載文集此婦人殆與二程二蘇之妹相類矣年
二十四厄於痘而歿先生狀其德曰生有異質聞聲而心通不
教而知學性又沈默未嘗語人以文字事及隸兄弟不解盡知

○踈齋李忠文公有五女婦德之外文識亦紆餘雪川公嘗曰

吾伯姑世李陝川室內識量通豁於言自有綱條若使為大夫
則當為名賢王考時與之議庶謨而多許可金叅判亮行亦忠
文公外孫而惟勤翁之姨弟也勤翁嘗問世氏姊妹文識孰優
曰李姑世金信川室內當為第一嘗手書論語正文置枕邊而
盡誦及其晚年往謁展園易家人卦方玩繹問曰姑世方談易
乎曰人生斯世至於老且死不知易之為何許書甚泄是以
一覽也勤翁曰先姨世文識何如能曉通史文理以教兒子而
已惟勤翁世夫人吾姊鄭氏外祖母也婦有女士補吾常隨姊
而偶侍每見吾姊者書而嘆曰汝則可謂青出於藍也吾文
理若如此則何患子老來銷日也金信川我先人內從兄也余

嘗入謁于內且熟聞祖妣之言而莫知其文識之如此豈其善
於韜晦而然歟亦可徵其婦德也惟勤翁嘗稱吾姊曰通經史
知義理有女士行蓋早寡无子且抱奇疾晚而寓心於經史明
於理歎之別惡其文辭之著雖至親鮮能知其蘊奧

○我從姑世黃氏婦性聰慧不教而有文識喜看中庸諺解常
熟誦之曰雖不曉旨義自有尋舞足蹈之意家對永禧殿園林
常對余指點其花柳楓菊曰吾滿腔若有藻思苟或留心於唐
詩一卷似不禁賦詩矣其志趣之高言行之雅可謂女士也嘗
錄其先考妣遺事托余而為不朽之圖且錄其多艱遺事使其
妹夫俞彥輔述誌文埋于墓

○金高城盛達仙源相公曾孫有詩聲與其夫人結知己於翰
墨鼓盆而慟甚卜姓而教以詩不成金公既沒小室深以為恨
乃潛心肆力於詩些三年而大進時與嫡子四人相與酬唱所
居洪州鰲頭村有旧亭有詩曰清宵月色滿空庭卧聽高梧滴
露聲始事依々人事淡白雲流水古今情詠海棠詩曰曉露濛
々溫棠花映紫霞晚來風浪動香滿白鷗沙江村即事詩曰漁
人欲乃帶潮歸山影倒江掩夕扉甬知來時逢海雨船頭斜掛
絲簾外此等詩如有逆鱗真雅者似不漏矣

○金監司時臻對策擢第一時其從妹李燕岐室內展其試
券一讀无隱惟勤翁房覲而為言其能文後得見金臨陂時澤

所編聯珠集兄第四人及姊妹三人所酬唱者也李適岐室內

花山感懷詩曰樓台寂寞鎖空庭嗚咽前溪淺水聲昔日風流

無處問竹林啼鳥獨多情其次伯氏屬六弟韻曰烏鴉初傳喜

書來似有期却收千点淚還封一聯詩感極留心際情深落子

詩窮逢春色暮愁道髮如絲臨鏡空題詩曰新築高庭最絕奇

下臨池水碧琉璃階存古物梅初返壁揭佳篇墨曰滋尋得遺

芳心已感追遵先志事堪悲者君五子皆英俊世々相傳繼祖

基早秋詩曰苦雨今初歇天高露氣清星辰催夜色蟋蟀作秋

聲情々思家念悠々憶分情別離長在此懷抱幾時平現此諸

詩宜讀策之元難矣集中有李精平室內詩詠三色桃曰桃

開李亦艷相同葉之相當色之工無林綠竹清陰

靜

驚殺春風

輕浮紅又曰一樹花開還不同枝之相映艷偏工真如素女教

粧罷笑倚欄干如臉紅又曰木性由來未必同各國天賦豈容

工莫將貞艷者優劣竹自芳之花自紅宋光州室內詩曰雨後

微風動梨花落滿庭夜來雲氣散晴月上樓明園裡詞藻之

盛世所罕有臨陂公之編輯良有以也

洪教官啓道女為李氏婦不得於姑夫婦各居早寡而告扶

餘江村其祭文能得駢偶之神雪川李公亟補曰若稍刪其

繁則可以永傳至於秋天寒廊鴈新鴈叫一聲江水波寒心碎

月明露色之句語能驚人其次自悼賦亦為雪川公所補余

曰此可入東文選乎雪川公曰是則未知其必然而詩律有可
入其雅者矣是婦人熟者事文類聚一部如誦已言故文出纖
云

○金進士鐵根記郭氏 王子師傳景憲齋始徵之女也讀書

屬文淸時憲自述其夫全銘能得詞章之妙其子謀刊其遺稿

云郭氏平生有一知己婦女即士族而文識出人也有一老

姑居間往來以文字相通人莫知之而畢竟亦不知其為誰家

婦人景憲齋之孫既濟云

○權執義讓夫人洪氏幼時棄外舍之空携一兒女出遊旁天
烈風雷雨震階下樹兒女驚倒神迷洪氏將咤張目熟視其

辰建碎及其雷收雨霽喚醒兒女携手入內舉止安閑家人
敬焉其瞻大後生四子皆登第副提學忤承旨憾刊書牒刊書牒也
○洪文化禹諤夫人李氏睡谷相公女也通經史識事理文化
公為守寧方論死囚有書曰三后之後皆有天下而準陶之後
獨未受天命以此規之天道之好生惡殺可知也須可十分慎
罰務其傳生死囚賴此而有活者云

○壬午秋殺南兵使尹九淵自己亥冬朔淫禁太廟用醴酒
命以丙子元日為始敢有犯者繩以重律士大夫家祭或醴或
用玄酒其審水而至於潛讓則莫可盡禁李臺敏坤諫太廟
用醴譴北塞行至金城傳舍廬失火燒死人皆憐之至是臺臣

南泰會彈南兵使尹九淵將幄行孟臺諫權極請拿來致法 上

遣宣傳官趙城往覈仍 命拿致之孟兵使曾以鷹卵沉燒酒

以製藥營屬有舍怨於兵使者以此告評于南臺矣 上既送

宣傳官搖恐其不得其犯趙城乃突入捉得一空壺於兵使案

右遂拿兵使而來 上覽其乾壺謂无酒氣城曰臣竊捉其壺

酒觸鼻今已累日臭亦稍歇若洗而嘗之則可知臣言之非誣

也城有私怨於尹氏故必欲中傷之 上命洗壺使侍臣輪審

之或曰微有酒氣特 上乃款以一觔百乃銜崇禮門杖六七

度既服環以五部坊民以示之卽梟首揭竿市人覲者皆曰南

兵使雖梟示誣則不可禁也時鄉人以燒酒瓶貯于好朴盛之

繩網員立於坊民中目見其揭竿遽入城潛賣而呼云國人咸
冤尹兵使之死皆曰據陷此人於死地者必有天殃後南秦會
之役子絳老以儒臣彈李潭時潭方阿附賊臣厚譙而用事時
人目之曰鄭之一子弟絳老既觸其鋒不寃大辟國人雖寃之
亦曰由已而致人之寃死則天道豈无回環於其家子權極亦
以所畜邑妓牢諱於尉還大觸天怒受刑二次而斃時人爲
之語曰殺人於酒禁者乃被殺於色禁也趙岐後爲三王孫
積妻父及積罰死岐斃于杖下時人皆曰宜其有是殃先是尹
兵使使術士推命云三南可畏每懼赴任於三南道竟以南兵使
爲南秦會所彈死于南大門外自此犯禁而死者累人法吏或

見私誅而故不提蓋不忍輕易陷人於死也不數年太廟復

用汪而罷其禁尹兵使子前知事犯行痛父非命杜門自棄于於川及父伸冤復官猛不出仕者有年天恩

益感遺孤及為价

川却守始赴任

宣傳官之於遣也尹氏家以三百金募人急通願去者三人藏

書衣領中各使急走二人力盡路中後先顛仆而未達一人到

營門而氣塞不能言以手叩衣

領宣傳官已到先入營門云矣

○壬午冬殺敦寧府參奉李命甫命甫巡平府院君忠定公遺中負

之後孫也兵洪州鋤村與其從兄教官命德所告龍淵密通及

命德其子俱沒命甫管其家事命德子婦即命相國拓基孫

女與其夫從兄璵其事浼命甫杖殺俞女腹心婢因生且使俞女

自盡即成服而葬之如禮實欲并為俞家而掩諱也璵

子景龍時年十三補以為父頌寬擊登聞鼓 上納景龍供辭

即逮捕命甫及其兄前參奉命喪昌寧縣監命祿設鞫於王

府命甫受刑六次辭氣益勵竟不服其弟兄亦已受刑二次矣

上曰汝若不服則

吾當殺汝弟兄矣命甫乃曰若活我弟兄

則當自服矣遂以貪財奪宗而陷其兄為律 命處絞竄其二

兄於北塞命甫從兄命未有文學韜畧於世律身若處子士友

常稱其高潔亦罹其網竄杆城惟勤翁嘗稱李氏遭難曰事機

節自誤情實萬不可寃三竄既蒙 有大臣白其寃即 命

給牒叙用後又因命甫妻鳴寃復其爵金參判亮行審操

文祭其墓曰甘受一身之戮以解弟兄之禍是則為別一義理

而亦可以有辭於後世初 上一從景龍之訴景龍即一人妖

物怪立于 御榻下畢陳其所欲言 上異之為伸其寃故自

殺命甫戲龍淵婢无辜者數人遣官致祭示于俞女作快雪俞
氏幽寃錄頒行于世 命以景龍并景璘為俞氏後俞氏家收
育其外孫矣及大臣造白俞相公覽其說喟然長嘆曰貪財奪
宗今已脫空則自此後何以有辭乎景龍未及成人手足痿痺
全身不收而斃人曰渠既多殺寃人豈无天殃

中維翰以 甫廟祭已擢定廣第魁於作誥釋陽漸賦以名
作滿人口及俯出上其父書曰三十八句批点八句特書三上
以示群儒男兒事業快哉壯哉話頭固不當若是於父兄而亦可見

文人氣習也其未達也以弊衣冠行過重宰之家直入宴席而坐座中人皆認以寒乞人維翰見食者方次席上酌請得華饌一幅主人與之重宰老人曾去方滿前維翰展其饌共一童子曰為我寫之吾當呼之即呼曰主人久不死童子住筆仰面熟視曰何是言也維翰曰第書之老人命其從令復續呼曰豈曰神仙元可憐亦松子天上一鰥夫滿座大驚

英廟中耳以成

均典籍參考試大司成多推讓焉

○權判書禰行重宰宴滿朝咸集而金相在魯重宰亦不遠權公謂金相曰大監重宰時小人當執椎而往伊時雖以大臣之威不可受也金相笑而為答蓋使娶妻者設東床禮而推其

足此乃東俗之所戲也雖非禮之正重年之為先進者世所罕
有故人以此為貴權公琴瑟不調至是子孫從俗禮為設鋪
房權公竟不入宿云其後俞相公拓基將行重年 笑廟先已
過重年之年 賜以 御製詩有相以代筆之句且以 御筆
書之人皆榮之

○李僉樞維新花浦洪忠正之孫壻也

笑廟已未行重年宴

獻壽者四十餘人卒以李僉樞卒夫人孫寧選壽怡軒趙利書

作洪夫人九十三歲壽序其子進士國聲亦行重年宴人言世

固有三世相國而未聞如世重年宴也

○李知事樸居鎮岑年既滿百

笑廟招而引見至御榻下

問曰 主上安在 上曰予在是矣為問筋力視聽賞賜亦多
○乙巳國是之初定也丹岩閔公首泐清濁之論及辛酉反案
乃成甲戌逆之案辛壬丑人之為國致死者竟莫之伸閔叅判
亨洙為辨國是陳大疏未徹而卒其兄副率昌洙上疏以伸其
弟之義謫耽羅疏中之體國大臣新定大策又不能无賴於居
間効力之後蓋指辛壬丑五人而欲並伸之也慨軒趙公其閔廣
州通洙書曰當日諸大臣為宗社定大策何嘗藉此輩之力而
使莫大義理反歸於掩翳不章之科此其乙巳清濁之論相表
裡慨軒集既刊不无士類之議蓋嘗聞之慨軒之弟教官公謙
彬常慨然於乙巳清濁之論元景夏之未釋褐也訪趙教官語

及辛壬事謂以忠翼之寃有異於三大臣且以辛壬十六人辨
別於定國是之科趙公大驚駭為之舉事辨有書於親屬同
志者曰吾黨有元華伯者也曰得志則必多子國害于家時有泣不
而其元斷金者人或訝之元與吳瑗南有容李天輔黃景源等
八人以文章名於世後果立身主蕩平之論而致位宰相遂為
清類所不取忠翼公嘗其李子托以父子間知己者良有造
也李西秋殺故奉事李賢錫孫澁賢錫在 甫廟辛巳為國
母上疏諍誅賊臣聲名亞於公吳朴諸至是國判書下祥勸其
孫澁為其祖上言欲為之表章及澁自韓山入京同台已接西
藩澁乃上言承旨李心源摘其句語犯 先王至於涕以為語

泣而誦諫 上大怒親鞠誕死於杖下斬罵上言者宋姓人擢
李心源為同義禁心源既陞亞卿謁其叔父詰輔、大責曰
汝豈可忍歟此為見我眼前也

○黃判書仁檢為嶺伯判寒水先生文集并刊南塘先生經義
記聞錄朱子言論同異攷二書南叅判有容方省記聞錄寒泉
門人之為卿宰者來訪南公曰令公者以丹守道之正統實在
是矣泉門人默不悅云

○葵未樸泉宋齊善明欽赴 召參對略陳 君德時政忤

皆遂陳跡告敗士論惜其出非其時言不盡意已不免為庶人

及卒又追奪官爵後命復爵

樸泉跡陳 君德之闕有傲然自
聖視一世等語忤旨還山王

堂劉救金台樂沐氏時以
正言亦疏救被削飯之典

○乙酉 特命故相臣朴世采從祀文廟從祀之 特命自此

始蓋玄石在尹極背師之日為左右珥劔之論及己巳為尤翁
起服甲戌黜南柳扶士類是以雖不為吾黨之所斥然其子孫
門人各主老少之論各謂吾祖吾師之見若星後人終不能无
疑丁未 上進用一番人趙顯命首除持平蓋言蕩平之說引
玄石說就其正邊黜其邪者就其邪邊涉其正者一款語以為
立論之主今日蕩平之論玄石一言未免啓之時人目玄石為
蕩平黨主申叅議燥以玄石外孫受學於玄石門人金和書翰
之門常恨玄石之保合時政之蕩平同歸一套為之辨曰胡廣

中庸斥子思而謂之源耶章惇紹述指武王而謂之崇耶至是
上益務祛黨特命玄石從享又特除申暉資善特
除亦自此始申令上疏略辨古今蕩平之殊上怒竄之機張
未克生還玄石既從享設科場保合大和斌字命彬居魁當時
清論不取之玄石不於懷尼事可謂先病後瘳
无稽中散一書是以君子不取

○丁亥十一月丁酉久病先生卒南塘先生主盟斯道蔚為大
宗既沒于年未歲其以同德并峙之賢竊然若魯殿而為國
家之簪龜士林之山斗者惟先生一人而已四方學者欲尋九
遂之正脉而溯潭溪之真源者咸湊守屏門至是皆切安放之
痛焉上自製文遣官致祭及築栗翁嗣孫青陽宰仁霖與尤

翁嗣孫前縣監煥世護喪汝翁後孫斗榮寫銘旌塘翁子後賢
題主塘翁兒子明湖公後遂為都執禮金堤郡守李得永為祠
土祭官人之葬聖可現其禮狔遂翁之孫山水軒權公病未會
下乃遣人操文有曰德行言語政事文學有一於此名曰十哲
惟我先生兼有四科文未更考人以為的當

○久庵先生常撰華陽院庭碑其銘有曰惟理氣說終古紛糾
先生會通一言以馴動靜先後各從其指理隨氣賦性乃可名
其覺所具是為謂五常廿雖屬土密豈性信逐類乃解玲瓏穿質
成已立人事君論治復雪尊攘斥邪衛道皆本在此理事一致
云云及己丑院儒將始磨刻漢湖金寶善元行時為華陽山

長以尤翁遺訓載在文集者為當日未定論而之以此載銘為
未安且以為斯院之碑所以論撰表章當一主春秋義理无容
他辭至如理氣說无甚著題不許其勒石蓋先生之撰斯碑
也以尤翁衣冠之藏密通於斯院倣尤翁撰紫雲書院廷
碑之例備書平生事實以明其義理之說為鉄定不易之訓而
春秋之義隱然宗主乎其間世儒之各主己見者不敢自謂歧
尤翁之義理而亦惡顯然作尤翁之正論爭相和附蔡季能而
休方主掌院事累書漢湖力爭之終不能得山水軒權公其人
書曰彼所以抵死力排必欲沮敗者銘詩一二句乃是根本也
除泚就此血戰一鼓受降則決知其難守得力矣故置之於此

每勉其以負為勝退俟百世以負為勝則心不激而少口過退
俟百世則理自定而事或成矣斯其為老成之議矣院儒以山
長之議終不可拂而文昌代斷又非今其後之可論遂埋其石
斯院仍无繫牲之樹

院儒以山長之議終不可拂遂埋其石姜進士弼言溪上門人
也以洋任同通院儒而有曰文昌代斷有非今其後之所可議
則將使斯院无牲繫之樹矣

○洪啓禧時以提學製進奏文其補 太祖 宣祖處曰康獻

王臣某昭徽王臣某使臣既亦有一士人往見啓禧曰我 太
祖 宣祖何嘗稱臣於清而奏文中下得臣字耶盛言春秋之義

而謂其得罪於列聖謝禮乃改容補辭遂白上追改奏文于中道

○南塘門人黃仁儉嘗以閑西伯謀刊師藁鳩聚財力托同門人金謹行僕之自京入梓居之何謹行為金山宰始刊行藏板于直指寺此乃甲申年同事及庚寅正月書巡講中庸時司書權禎達曰近世有南塘集刊行南塘即故執義韓某號也中有經義記聞錄方且重講中庸之時正宜旁攷矣即令索南塘全集于司禦金謹行所又索記聞錄及朱子言論同異攷始備睿覽

○迷庵金公偉材痛其父忠靖公雲澤被壬寅之禍足不渡漢泣朽于瑞山海陬凡有徵辟皆不就世補亭士殉國人手孫以

公與雪川公為完人其叔父奉事公福澤亦究死於庚申卽蒙
聖主煇覆益後其子教材擢第時迷菴方苦痔疾與從弟書曰
汝之及第與吾痔疾一般蓋指其登人同朝恰似痔者之坐卧
不便也癸卯受業文憲先生于新知臬譎中讀書安貧矜式一
鄉常與余語曰詩云招之舟子人涉印否無見流俗溺胥溺
之時吾則輒思此詩而欲康濟自家也斯亦可驗其喜善讀書
而實用力矣

○金思伯憲行能文而年迫五十未登上庠知旧欲密囑於掌
試者以量其歟解思伯却之曰吾不欲枉已而徼幸也晚為司
馬而筮仕官止漢城判官而卒

公金叔良友行與其第理之順行赴監試子結城邑中邑宰以
叔良兄弟富於文詞欲面其不解密使其親信於叔良家者錄
示其券首叔良兄弟正色斥之曰為士子者寧可密通所製於
試園乎遂不免並屈其伯兄惟勤翁奇之叔良後筮仕以廣興
奉事卒其文行志趣迥出流俗此其疎節也

公邊都事希一新昌武人也丙子之亂與清虜戰于險川死之
贈兵勇參判旌其閔其子寢即其當孝廟有此伐之志為報
家國之誓命其八子皆赴武科三子聯臂其一曰名是伯以珍
魯郡守當肅廟己巳文谷金文忠公將受後命于島中郡守
以國忌齊戒延拖三日是以諸子及諫是年秋以舟師赴統

營習操舟中失火莫之能救有一葉艀在望中疾來而且呼曰
珍島郡守在彼艀乎速登此舟適有軍校驍勇者買太守而起
下已而一般灰燼无一得脫者太守甚異之問曰汝胡為乎來
救我也對曰適有一老翁在海崖招小人曰珍島郡將守燒死
於舟中汝可速往救之問其為誰則曰我文谷相公也翌年亮
黨彈之曰昨午火處分北望痛哭七日不食妖恒之死迨壽四
日其所以彈駁即所以著其名節也後以慶源府使卒于任所
手書十四字曰衣冠代有承家子忠孝門有泰祖孫其子俠從
子俱俱游農淵門下卒在亮黨施儒罰曰跡托假儒膝附賊相
假儒指農盜賊相指要窩也其罰目甚厲牛彈文為崇於前後

侯俠後遂仕為參奉俱登上序能以文孝傳其家聞亦議百順
嵩記邊慶源事云

涼

○結城人有言曾在關西旅館也客有戴平壤子衣弊衣而過
者跡雖寒乞負實異衆善待之些之語頗有知識謂无家眷單
柿一身周流以路名小大川无不登臨即吟一律曰年君半日
語忘我下年愁醉去甚清濁呼來任馬牛乾坤獨立鶴滄海一
虛舟荷鍤真多事須從漆叟遊其咏鶴詩曰桓桓人立夕陽時
芳草明沙倦睡宜意到悠然翻雪去青山景裡趁佳期其姓問
名倪而不答已而曰我李平涼也蓋著平涼子故云甫後聞有
李平涼者其族箕城及松京諸作饗人牙頰云是奈斯人也耶

蓋嘗聞之李平涼者即故贈判書廷燭之族孫也及娶妻美而艷平涼盍心于此不讀書不出入晝夜不斷離其妻諫而不入乃曰丈夫固當讀書修身以大事業而乃由一婦人而自棄其身吾死不忍見此狀也遂自殺平涼乃發出狂游賞山水吟弄風月或圍棋而賭以教策錢每歲喪餘日必以五緡錢來助祭之羅即去人不知所之云

金生履永字命汝亡友思伯子也嘗渡恩津江舟子問姓字聲言高仙料其能詩而問之辭以未能雖而後誦其二絕曰石老江蒼同歲年今古風月此岸前无过客草无人管一任沙頭白鷗眠又曰半庭江聲石作一船風露不勝清篙師掛席向

余說皓月滿江宜早行問其所居曰古君山人自號鏡湖漁父
既洛人鼓枻而去云

○李德山博學能文旁通術數不赴公車嘗與知言
曰不赴舉則已若赴舉則豈不掣第一乎知言曰若一應舉而
居魁則吾當殺牛以饋子不爾則子亦殺牛饋我德山曰諾遂
一赴舉果居魁而亦解知言乃踐約而德山不赴南省嘗見其
所述聞見錄及句讀指南等書教童子有方人有問病者命以
針藥輒効種樹治圃皆有方事半功倍與有道僧論佛經奧義
佛莫不承服德山當丙申春仰覩天象嘆曰有氣祀紫微垣
國家必有事是日英廟昇遐農圃必相地之宜參以天時

同或有忒嘗於瓜田列石作八陣圖有一小犢入田徊徨不能
出笑曰入于死門也遂牽向生門犢乃斃死而始有生意嘗卜
其葬地指示其弟曰彼乃止穴然必獲我於此慎勿違其所指
葬處即青童房麓其弟以為不可嘉煨曰毋吾心有定也及葬果
為人所爭更占前日所指止穴爭者曰又禁于此亦已甚也遂
任他乃克葬嘉煨可謂能通天文地理兵家等書而有所前知
者歟

○吾同里間有一常漢服其父喪食素三年其妻常往來于
內室絕跡頗久謂吾家婢子曰吾年向暮而方喪乃胎可服耻
之甚不敢以此腹過士夫宅外舍庭每足將進而趨趨也窮鄉

賤人既非執喪之可議而其秉爨之心藹然者亦可驗鄒魯之遺風歟土人之為親壽宴者或作祝辭而獻壽又詩以作軸常漢之父在母喪或行練禫此皆圻內民庶所未能行者也

○尹善道光海時上疏謫洛州癸亥改玉後蒙宥而敢占靈巖保吉島周回百餘里通冬朽林五十里而胥于魚鱗鳥翼聲翔于蜚塢獠洞丁丙子虜亂送奴子艤艇于江都男子之指可掬於舟中而婦女之偷生者滿載而歸各房置姬妾五十餘人對食必張樂聯大廣板作植蓮之具周懸屋簷鑿長木引遠水從屋上覲之笑藻繞于空中瀑布成於屋下挾金谷之富偕公候之梁後附鵠棹已亥服制之議斥兩宋先生命朝樹立掃地

盡矣其子斗瑞能輕財施與有文學能盡其父德云雪川李公
常亟稱之曰國朝以來通才尹斗瑞一人其庶幾乎蓋有經術
文章與筆法盡才各臻其妙鑒則透華扁之術射則臧穿楊之
技凡於百家九流无不房矣保吉島後入屬于郡尚有尹氏通
遺址云

○康津秋子島漁採艇將歸泊于家崖忽為逆風所驅飄泊琉
球國舟中人男子十四人女子三語音不相通乃以謠書示
之琉球人裂而投之舟中一人曾為本土風憲粗解文字書示
曰朝鮮國人乃書問曰耽羅國知之乎答曰但知洛州不知耽
羅昔琉球太子遇害於耽羅故若有耽羅人來泊則必殺之楸

人所答既不達其由而琉人不知濟州之為耽羅也遂令下船
登陸設帟幕隔間而使各居女子則別設其幕以嚴男女之際
待之甚款而飲食頗似我國卿相婦女為覲朝鮮女人盛服來
臨饋以珍羞遺以寶物琉人問曰爾欲敗以水路否答曰水路
既杳茫安保其生還願從陸路而歸土人有密語者曰爾船若
見在必不送爾于陸爾可滅其船也曰奈何滅之曰吾為爾
盪之遂曳至崖上燒之琉人方謀治送會某國朝貢船遇焉遂
迎接厚遇之於是待倭人比前稍薄遂托其船隔間於一隅一
隅且載汲水艁其船甚大既到燕京遂洛鴨江漂海者已三年
家人以衣冠招魂而葬以漂海日為忌辰喪服而將行大祥祭

於星舟中人忽皆无恙而歸家人各自大驚扶持痛泣遂釋其
寡李長玉環謫星島聞其語於風憲者曰蓋為日記對曰果有
所記至漢慨為宰相家所索而今失之使更錄之唯之而竟未
能此人雖有所記安能識其山川人物風俗及水陸所經歷者
如崔錦南漂海錄哉然必畧有可觀而仍无傳焉可慨也已余
聞於長玉而畧記之如此

○順天松廣寺有旧傳銅器十二今之所在者七互相入其畧

合無名曰能見難思或曰中間更造其五而不合或云此

虛說

武云普照國師自日本得來者他國師亦常於樓下水中

虛說

重畜小魚七八至今無加損者傳在散飯水魚爭食之云

○靈岩邑後有大石人武據之畧有搖之而雖千萬人動之無

以加於一小兒之力名曰靈岩

○順興浮石之浮雲中統繩其下而拔之無礙人莫能窮其理
○有盲人黃尚清賣卜稱以郭李之神明方伯以其惑世誣民
將加桎梏問曰汝果稽疑若神而賣術乎對曰如无所知豈敢
受人之貨乎遂以錢_辛文盛溺咒令覆射之應聲曰智伯之頭漢
儒之冠五十青銅落在其中方伯乃釋之人有被盜者卜之而
斯得群盜方謀殺于某日夜卜者先伐其謀募人以備果捕而
納之官自是盜亦不敢犯

○金永柔斗壁鶴洲文貞公弘郁之孫能文而不第晚歷蔭路
平生癖於山水凡入金剛者十三常曰生於我東不可不見此

山及為永柔宰以錢五百緡與淮陽秩廳五百緡與長安寺俾
以此補公用而永托子孫洛勝之具吏與僧皆大悅自是為其
子孫者以匹馬至淮陽邑吏寺僧尊奉款待若別星行也邑之
肉饌寺之素饌俱極珍妙便身之具莫不畢給別造藍輿而刻
之曰金永柔宅輿非子孫勿乘輿非遊客所居之例件而前後
遊者見其刻而不乘或有以紙塗其字而乘之者其侍旁孫稍
異乎他客而亦不能如其子孫云有人詐補金永柔子孫而入
山東與僧見欺而依例善待其所行畧令者異守真子孫之待
渠款厚遂疑之相與訊其情探于真子孫客亦知其裁微及歸
准邑官隸長安寺僧備行中資用隨到東大門外辭歸納其所

餘者例也客到鼓巖下命其奴縛官隸寺僧而奪其餘財策馬
入城莫知其誰也賴行人解之而歸自是作一冊子詳載永柔
公子孫譜某派某子某名某年生并知之而名之其後人莫有
欺者公宰開寧時見黃洞多水洞水石清幽且據湖嶺會謂可
避兵燹直其中置屋若干架色躬往留連而歸蓋其洞四面壁
立人不可通只有一條流水出自窟中沿其水攀火而入終燒
二炬則即一洞天三十里洞野而樹木參天人跡之所未嘗到
者也遂以之匠備光械入伐木築室墾土播穀而牛不可入其
窟縛小猿負而入維蕃息莫可出窟門屠牛狼藉而官寺所禁
以肉質外所謂多水洞內有名別匠生理雖云極好鳥獸不可

與同羣士夫家誠難僑居今為其子孫所賣為月城都尉別墅
云

○甲山有僧勇力絕倫肆虐民間無所不至汙辱村女於白日
其夫立視而無如之何武人李弘遠為府使將之任歷謁方伯
徐浩修方伯盛言僧之罪惡令為民除害府使乃招其僧與之
語頗甚猛厲言曉事理遂款待以交僧頗曉地理乃以此推誠
為言欲卜新窀以遷先墓僧信之一日聚府中軍校有勇力者
數十人伏于府舍約束既定招僧與語忽地高聲招軍校一時
應聲而出命縛僧下庭責曰爾罪爾知使兩力士互杖五十度
肉落骨出而幾殊命曳出繫械以囚其夜脫身出獄門執守卒

乃反繫械囚之而走曰朝鮮甚狹矣吾將不復蹈甲山地矣遂不知所之云

○乙未殺玉堂南緯老竄臺諫李迪輔于黑山島時李潭秉銓路無恢公之意專務營事之計恣為濁亂蓋其政注一從厚諷之指揮玉堂南緯老上疏直言被親鞫嚴刑二次斬于西小門外宰相令緩駟柳車入闕請對被僚相挽止不能救時臺臣李迪輔在瑞山上疏請斥出李潭仍論厚諷年少識淺不審謹慎而 殿下亦有以啓之也又曰 殿下之於厚諷親愛之固仁人之常情而但於妙齡驟加崇秩其所恩寵無或過重由是朝班之間一種沒廉恥嗜榮利之輩爭以為趨附此人則榮官

美職可以德惠而得也於是焉飾其奴顏低其婢膝奔走伺候
惟恐不及彼年少昧事之人惟知來附之為善處或吹噓而相
引則自陷權勢之科得致喧藉之諱此豈厚謙之福哉臣愚為
自今以往務抑其驟昇之跡以絕彼躁競之風待其讀書勵操
然後用之尚未晚也疏入 命金吾郎拿來在廷旋有黑息定
配之 命迪輔以名家世國為人疎拙素乏名望及上此疏一
世大驚絳老之死國人寃之而流涕當守初服即伸絳老寃
曰斯可以慰其妻子之心迪輔亦蒙 宥還即登瀛選南絳老
既死李潭有疾若有轉者請服請罪若田畝之產竟死後
僕臣請進奪

○芝湖李希判選尤菴門人也嘗以湖西御史暗行過懷德謁
先生告之以暗行之由先生即召下隸告于本邑宰曰聞御史
方出聞之字有聞故不可不告願謂李公曰為民者不可不若
是

○李判書聖童之父武人也既娶而不許子婦絕跡妻家者累
歲一日道上遇暴雨避于道傍一舍適其妻家也朋久不止日
已昏黑夕飯後主家備輓邀婿即拜往弟家任其隣者明燭鋪
房請共相見既叙寒暄乃曰新婦四德有何不若於人而公然
恩薄是小事也願留三思已而邀新婦使共就寢即閉戶而出
平明雨霽歸既恩不復續而自以有娠生子容貞俊秀文藝

出人及長鳴於試場擢第而位正卿名震魏後避 景廟諱改

雲為聖孝公年六七歲見其母有愁色問其故答曰北汝所知
強而後曰吾能樓上傾油瓶不敢告尊姑也李台遂請喫某物
子祖母既喫又求不已請上樓披覓祖世置之樓上頃更大聲
曰吾覆油滿樓將奈何祖^母捉而下使婢挾油幼時為世周旋
亦能如此云

○南忠壯公近年需為水原府使李杰中軍趙判書觀彬位任
之初以行伍失次拿入已而請去遂許之蓋不欲以森幕府親
昵也後忠壯有時來謁及至寅之禍數以書問候於^{謫中}當日
將佐之所親者^信皆畏禍而避之忠壯獨於一時將卒之義能臨

難盡分如此其亦難矣及戊申之難殉節于清州鎮營趙公歎
不能知人之早其子德夏常與一宰相語及其父之詩宰相願
見遺稿詩有張睢陽餘響遂刊一冊名曰南忠壯公遺稿德
夏官止兵使被謫于清州定謫廬于文義縣接界處飲文義
水以清母為誓地而然也

○洪大容隨其叔父櫟赴燕訪江南鄉貢人潘庭筠嚴星以筆
談結交情契頗密乃曰他日立身須告天子復中國衣冠去雜
髮之制潘嚴諸生曰國家用滿州衣冠為其便捷而令人不懶
以為長久之術也不可猝變也且雜髮於人甚便亦是妙法也
洪曰曾子云身軀髮膚受之父母不敢毀傷曾子不知沙法而

然耶兩生大笑曰曾子果不知沙法也又曰江南有一劍客之
肆楮揭天下樂事四字洪曰江南人膽大守能邪此言於此世
界也邢生出示清陰先生詩集曰此收潘館所製而刊行也洪
曰吾受業于先生之後孫也蓋金寶善元行弟子也邢生遂以
其丹其之間三學士遇害蹤跡答曰不知也即裂語及三學士
事而只以三人姓名收而藏之語及年等事洪曰我國公家書
籍法用年等也至於私家文尚不用也問我國字沿革山川以
俗人物道學大畧并書以示之送統淵源止於元春和先生以
爲尤翁以考亭之學春秋之義享年亦多功烈尤大云洪雖
累訪彼以蹤跡之不便只得一番來謝于館中乃饋之以飯則

曰采其鱸恰似杭州味也饋以煎藥請歸遠老親受之而去洪
見胡王子也姬妾列侍左右不立款仰視有所不安只見腰
下珠翠燦燦焉已而有小獸在旁而前取食乃退有盛饌自內
而出問者人曰此獸出自南方以千金致之能言而便於使令
云時有西蜀佞葛氏及南方陸備者亦舉人其共交遊者往往復
書金在行亦隨副使善行與洪大密共交遊生有酬唱詩以洪
自謂不能詩此書辭賦一篇示之洪乃遊行錄數卷金乃筆
談乃清生自補清岳之後嚴生光之後云補嚴

○肅廟朝徐海朝李鳳嶺兩人赴津試二回研達當風雨場中
誤搜其卷一人入格款讓與于作文者以為卷主當第至於上

達 甫廟奇之即令并除蔭官徐後登第官至下大夫事官止
邑宰云

○甫廟已卯增廣李聖輝宋晟等諸人撰封登第緣得遊街兩
日而見覺大起科獄聖輝等為官奴削其金榜魚鱗善為風有震
巖門人也得者一榜試秀自家入格者在其中自是不復赴舉
榜中金公標文學聲望將可大用而一旦被其削時人多惜之登
巳年問始復己卯科金公按節西入曲文衡官止刑吏叅而卒
或曰聖輝之賊科其妻激之蓋其妻家簪組蟬聯其妻恥其為
儒生而侮之及除叅奉人稱李叅奉宅其妻怒之曰吾家曾聞
修撰宅校理宅未嘗聞叅奉宅此乃庶孽耶叅奉之官何哉聖

輝忿然遂圖賊科

○金三淵嘗於山中作詩曰象外清遊病未能夢中皆骨玉層層瑤臺萬二千峰月應照高僧禮佛燈有老僧卧宿忽欠伸而灑發聲曰吾聞金某有詩聲尚未熟矣三淵問之答曰照字何不代以作字乎三淵曰果然矣請作一詩僧曰老僧枕鉢鑪夢踏金剛路蕭々落葉聲驚起秋天暮三淵大加稱賞云

○李匡呂有詩聲嘗携酒與客十餘人泛舟遊於楊根江上有一樵童弛其負於江岸起而登舟取南草吸煙于炬火甚惡其无禮歎打之匡呂挽止之既起而下舟匡呂招之樵童曰招之胡為乎遂不來匡呂曰吾長者也汝童子也長女有命童子

不敢違也樵童乃來立于前直曰汝必能文辭吾當呼韵汝
可作詩也樵童曰烏能為文只以為樵也直曰強之乃次第
呼韵字為聲曰江湖秋水碧於藍白鳥分明見如三搖櫓一聲
飛去盡夕陽山色滿空潭詩成即復起而下再買薪作樵歌而
歸其以蓬頭垢面唐穴吸草士大夫之前有何文藻形於狀貌
而能知之乎直笑亦可謂有藻鑑

○杜安人具聖淵以堪輿之術常為沃川太守趙社命安入軍
光庫以一手拳銃十二以斤廿重人皆壯之問其常以用力處
答曰常遇猛虎立前搏殺不脫危又常處行有人數十為群相
共附耳來傳火鐵答曰予之謂常搜其身乃曰爾非盜寧可若

帝夜搜人之身手遂以一杖次第打之餘衆又聚者五十餘人
并打殺各一人得活者又推奴子遐方奴姓補九奴及其文秀
昭々渠亦呈辭卒乃歸順并錄其名々甚夥然其多富饒者一
日有來犯者蓋以僧還俗之脅力絕倫者為奴之婿故欲假手
臧殺也乃手毆其額即破而死渠輩大驚夜忽有喧聲人圍其
舍竹夫如螺環透壁隙漸逼其身各隙可避望以房中一略蔽
身邊忽蹴一壁而出左毆右打殺三十餘人又縛二十餘人行
到大江并沈之前後所殺百餘人云具有嫡妻子十二人子孫
甚繁蓋戮其殺者則殺人雖衆自是其殃故然耶與

○舍弟宋雨生子穎悟好讀書十歲文詞大進遂博洽經史能

屬文余授庸學太極西銘等書示以南塘先生經義記聞錄乃
大悅而從事於斯有所質疑於我其論心性情意未終已終之
說出入微奧其自得亦多老成人所難及不幸短折年僅十七
惟勤翁狀其行不深惜之曰名家子弟賦姿立志有如此者不
不遂其生亦可觀世運之將衰久庵先生表其墓引魯童子汪錡
之句彌以為若厠孔門之童子亦可為勿殤若守雪川李公誌
其墓曰人固有老死无闻者若童子之可不憚其不幸矣親友
之深知其咸惜其才志而歎吾門之運否

○肅廟甲戌 英廟誕降是夕有人仰觀乾象嘆曰五十年太
平聖君生矣

○王學初定國都于漢陽欲立宮闕於今鍾樓址而前朝後市
鄭道傳以為不可乃占景福宮址王學以為後世當有八年兵
禍奈何道傳曰雖然亦將有唐兵十年來救可乎王學笑曰王學欲
以果川冠岳為案山道傳曰然則佛道大行乃以木禿山為案
無學歎曰釋子從此為儒家之奴隸乎又曰此關畢竟必有大
災乎兩人之言終若符契之合其神乎

○僧學祖號燈谷安東金之傍祖也年九歲異僧論相曰必乘
輦也是日燈谷辭其父母曰人臣聞此言豈敢在家乎遂削髮
空門 世祖大王入楓岳與語大說乃歸事之同輩而還宮置
諸壯義洞皇覺寺其乘馬詣闕也與卿相相逢路上相揖而已

明於地理占得平丘大地俾葬其兄弟諸子指度尹公葬地曰
子孫必大昌仙源清陰諸賢果輩出其餘諸山後亦皆驗而一

山後入於昌陵局內云

○晉州朴氏通國之甲富也或云其先貧不能自存自漢流離
至于晉吏輩以為館客使教其子朴嘗暮歸過曠野時天寒雪
飄而有僧宿路傍行未^數步而還喚起僧使歸僧曰山寺既遠
村家難投無可往矣遂與同歸謀諸婦饋夕飯夜使其婦與婦
避于隣婆所而與僧同宿朝又善饋僧既退復進而請與偕往
朴乃隨之行數里坐于昨日所宿處曰小僧粗解堪輿之術此
地卽大地也物各有主而無人識得是以行必坐玩不覺就睡

竊觀主人之待我仁而愛人宜享遐福似可為此地之主悌謀
吏輩築數間茅屋而居之不數年當為鉅富而福祿綿遠也遂
擇日而告之曰是日當復來立坐向也朴歸而語吏^上吏輩各出
材糧及期始役僧果來待矣屋既就吏輩之子依回來學一日
吏房來言曰今年式年若寫戶籍則其利不貲矣遂以島中一
大面籍居之朴考其籍則多以其高曾祖名為主者心甚訝惑
考其家傳曰券則果多島民祖名他日從容語吏房吏房於是
考籍與券乃曰其為奴也明矣即移書招島中長老十餘人詰
之曰子果良人乎私賤乎欲知之對曰家世云是私賤而主之
存沒不知者已多所矣曰子不願得其主乎曰豈其年^上然哉奴

而叛王若臣之背君是逆也吏曰有主於此子其謁諸遂偕造其門朴忽見金玉在頂衣冠甚偉者羅拜于庭使之上堂辭曰奴主之間名分至嚴焉敢乃爾願見文券旣考券而伏地曰願惟命是從吏乃錄其名一面怨為其奴使之隨力自贖遂除丁壯奴婢百口為服役地不多日納累万金乃卽其地營建大屋一島中百工皆備各運材瓦不日成之徒其百口以成一村各掌贖錢買膏腴田適當大歉賈廉一歲中乃困乃倉馴致中富子孫有為郡守者嘗開大宴滿座賓客相議一舉杯輒投蓮池池雖闊而盃不盡失

○金生者或云新羅王子也海東之王右軍也一生專精於筆

法終身不娶恐其損精也唐人見其書歎曰不圖今日見右軍

真跡也入我

朝安平大軍

君

字清之其筆法當為金日後第一

世後韓公魯滌大有名之畫則石陽正墨竹所住臺草虫能
奪造化之工近古則鄭誼翁款山水沈玄翁所畫草虫柳樹雲
德章墨竹並闡名外此畫畫之畧有名於世者不可盡記

○尹淳以筆法名於世中國人見之評曰折柱花壇且典文衡
載從舅杜公周翰氏亦以詞章筆法見稱於士友書參其族大
父知事乃負祖真滿朝輓章方簇立而忽見一軸眾中開眼諦
視之乃尹淳文筆也者曰官多墨綬歸徒壁飢畫青囊去或
仙文與筆皆當為第一也嘗以行人赴燕譯官有欲得其筆

者預備毛段及泥金。隨之適值滯雨客館悄_二而生而似可挑
其筆輿乃入伏曰願得大監筆蹟終身宝玩而不敢也尹行人
大悅而許之即以泥金揮洒於毛段款官謂得天下絕宝尹行
人後於廟堂自說燕館所書為平生得意筆一宰相乃招其譯
官知其必奪而不得已細之如恨而先云

○尤庵先生撫遼東伯廟碑朴公恭維書之將軍之節義先生
之文章朴公之筆法可為三絕朴公書以柳公權體而造詣入
妙不下韓石峯云

○橫城崔海柱妻鄭氏嫁終七年養舅姑甚孝時當七月夜串
入屋中噉其舅以去其夫病脚不能動鄭氏宿于他室聞声出

則虎已噬其臂而在庭矣鄭氏執其兩足起踰牆屋盡力追去
氣渴不能制遂捨尸大天是到數百步拾得一脚於草間裹裳
以抱又追至三里時雨急無火山路愈惡不知虎所在披荆踵
血且哭且行虎方在叢薄下嚙尸耽亡鄭氏大呼遂入虎前虎
擲尸退伏鄭氏身突尸上罵虎不絕虎始稍亡遠逝遂得全尸
而歸方伯 啓聞于朝

○德水李益模妻俞氏市南先生曾孫十餘歲母夫人疾危煩
渴思櫻桃時則八月下浣俞氏求之林下但見墮葉堆地踈
枝婆娑而已掩仰而啟達宵不寐翌朝復往攀條流涕忽見枝
上看五箇朱顆介上如小棗大編帶霜罕取而拭之紅潤反勝

於初時歸而進之煩渴卽止病亦隨已其內舅雲坪宋公來見
驚歎曰古有冰魚幕雀此女賢於王大保及歸夫家隨其家教
舍也思親方劫有物忽侵戶作聲視之乃在家時所畜狗也作
書頌繫下曰爾來若有竟能傳信父母否狗乃垂耳而去翌日
復以答書來如是者屢人皆異之其事舅姑奉君子克盡其
道年六十而終有子三人列邑多士呈于方伯以請旌褒

口德山鄉人申光誌妻李氏生而左右掌文有貞烈二字人異
之及其子歸能宜其室家光誌短折手自針線克慎送終祭于
朝脯事之如生日日上墓而號哭時當大雪道路難通而每晨
自執帚往掃墻壁俾無一点雪自懸麻後不櫛不襪賣其髮

養舅而必有酒肉務適其口嘗語人曰吾所以姑徐下從者欲
事舅竭誠少酬夫子之志而終沒生世之念也一日以一條緇
經家人莫之知也衣帶中有一書云夫生事之以敬夫死從之
以死婦之道也吾今一死自不能已尊舅既有小子願實告
而依倚也鄉人呈文而未克旌褒大抵子之不勝哀妻之從
夫死者不必盡記而若此婦之卓絕不忍泯沒蓋亦微顯闡
幽之意云爾

○良靖公為永同宰季從祖明一妓兒生子永石守貞不移從
祖無所厭意及良靖公按東藩從祖隨之永奴之母齋絹衣一
襲而走人致其女之言曰女無貴賤莫不供其夫服妾独不能

此皆手自要襪者也願少復望斯身妾死無所恨從祖以於義
無可受責而退之後從祖往安城庄舍臥遇永妓抱子而來妾
之曰吾既不招爾敢自來乎速歸爾土也及歸見永妓來留有
日大不悅一不顧家人憐妓貞節為之解乃留永石厚其資裝
以送之乃以蓬頭垢面藍縷衣裳堅臥不起新太守聞其名而
招之強以病辭入謁畢竟茹恨而死永亦以十八歲夭未免
旌褒其烈惜哉學清州東昌書院永同言于王考曰樞公曰永
妓中為某也所賦者當屬第一人物見其自磨顏狀而亟稱則
其貞烈之著外似有何徵而然與從祖晚年言于子侄曰吾非
不憐其貞節而平生深戒畜妓致人之死亦可恨也

○昔我先祖莊靖公有友九人焉執義相公格持平李公伯麟參
奉成公道秉牧使公台齊直長沈公若河郡守趙公禧錫判
書尹公堦正言李公行道尹公堦結為心友或磨以善道或與
之通家其有先沒者則三年之內朔望之奠必會祭焉子孫亦
述其誼分久而不替云尹公堦作十字詩傳于十人家其詩曰
正叔玉立神骨奇鸞鵠停峙碧梧枝正叔權執義也聖瑞文
章頗有餘性豪嗜酒能言辭聖瑞李持平也晉叔峭直出本
心疾惡剛腸終不移晉叔成恭奉也景三純實任天真向人誠
款有誰欺景三呂海州也子三端重暎流輩秋水精神水玉姿
此指莊靖公也緯地孝友卓首行妙年做官何為疵緯地沈直

長也享久平生多意氣為友車馬可相賀享久熱槐山春升也

浮誇近左氏尚文奇高古莫如泰升尹判書也士原才格超尋

常閱書百終又能詩士原李正言也寄語箇中諸君子肯憶城

南尹大而大而尹公也箴曰朋友之道切、惇、善與人交有

信若疑數則斯疎久乃散之吁嗟吾黨盡念在茲近世交道三

能如以在更未有聞權執義寒水先生之父也趙槐山忠翼公父也沈直長子孫流落嶺南戊午年間有

為司馬聯壁者未謁我曾祖良靖公也

○重峯趙先生之殉義子銘山也尹公汝益即其七万義士中

著名者也 肅廟乙亥贈持平尹公父掌令奎号獨醒軒祖

進善正元号落陰當羣賢輩出之盛際俱以陰補通臺望雖其

文獻公等可徵而宜其子孫有忠義之士也其子就聘與尹學士集聯
榜司馬而大有遺腹子碩昌生遇三受業趙一峯而著名其子
遵生致熙蓋其累世居子德山斜川里零丁苦孤老視免之親
同鄉頑民有侮其孤弱偷葬其先塋者致熙時年六十餘徒步
踰巔入訟庭者不知幾許番且訟于方伯皆右頑民或曰彼既
強敵是寧私和尹老乃正色曰是何言也吾固知若父子死後
先塋將為牛馬嗚然吾一縷未絕當盡面前道理及金侯載心
宰是邑嚴刑捱移尹老只有一子死而老育將上言立後徒步
上京已乃 英廟昇遐遂赦而有疾轉入膏肓鄉人即信哲情
其壁立而遂救者不通于一鄉聚以如千租石錢貫而恤之及

尹老樗嘆曰即信誓可謂極恠底人也翌年戊戌杜竟不起年
七十四老奴信與曾已贅良者乃服喪而歛葬之之日余往哭
獨有庶族一人焉當口上言之計余謂聖上必為忠臣絕絕
何其天道之未知聖者賓天而致忠臣之絕嗣耶重為之嘆
惜而記其世派事實如此云

仁廟甲子西帥李适舉兵犯闕尹忠愍公廷俊時以龜津縣
令拒戰兵敗被罵賊不屈若顏常山之死忠奴亦從死執馬
歸其家賊底有帛書曰忠愍公手筆報家人者如馬亦不食數
日而死其家祭忠愍時并祭奴其馬云

後金仙源殉節于江者
奴美承從死若尹忠愍

○尹文甫公某諸尹氏遠祖墓在坡卅金水院北云而失之也
者已久子孫得其新碑于水洪處墓入於沈相國之源墓砌下
遂與沈氏爭訟至於上達 上致祭於墓使共守護而爭端不
已上大怒杖刑家口長叅議尹起復又死拿入士人尹在泰設
鞫在泰少不挫於雷霆之下辯氣雍容中有嚴厲其所辯對亦
詳盡 上改宥曰汝長者也即令取簋子來加首復其儒服而
釋之

○宋公熾於我先人為^內往第也以陶庵高第言議剛明嘗言
汲黯內多欲外施仁義之說直截太過此乃戰國之餘習氣猶
存處也若使此人生於洛達倡道之後則告君之辭似不當若

是也此說雖穩當然為人臣者每患不得盡言於雷霆之下故
張南軒以為求節於敢諫之中此前輩所以未嘗有此等議論
者歟

○光海之祔其母於太廟也在朝者難免相其事而陞秩至
若鄭時菴李自洲故公以名流登其廢科何與宋睡翁獨拜
西宮其節雖卓然而彛倫數絕之去不赴公車則豈不為第一
等義理耶九庵先生明天理正人心義理燦然而士皆得其趨
向若使數君子生於其後則似武免後人之尚論矣趨尚書止
萬當甫廟已巳坤宮遜位守闕号泣乃毀裂儒衣冠杜門自
廢及甲戌坤位既復以儒衣冠束拜闕下乃赴公車遂初堂

權公忤亦於己已赴舉而登第以其出榜在是世之日杜門自
齊官至副提學而終不出權趙抃公事生於元祐之後而能有
所樹立歟額余一後學妄論先輩出處而自犯為賢者諱之義
覽者然之

○伍子胥楚之吾臣也臣無誓君之義而命亡復父誓至於鞭
王之尸豈可忍乎春秋之義父不受誅子可復誓者豈其謂此
也耶雖為吳之忠臣難免楚之賊臣則未可以許其忠也或曰
周天子在上而列國臣子歷聘之時則君臣之分亦非一定而
不易也是以先儒皆許子胥以生全忠孝而未有論以逆臣者
今以臆見若是疑斷案所不可忍也此說似或然矣而愚則以為

歷聘之去之齊之梁而仕既非失節則其在子胥之義亡命以
存父祀豈或可也至於復讐于君則豈不悖乎王蠋雖在列國
之時不事二姓而死朱子編之于小學其義亦可見矣竊謂子
胥之事後於春秋之筆前乎修綱目之始得免孔朱絕之筆誅
而或為後世之藉口則可不惧哉若瑞山人金潤記為父讐加
刃收民之長而將被誅其時士友之間有或引子胥之義欲其
付諸生議者余以是妄立已說以質于後世之君子
○我國之以以為天下社義之邦以其明人倫也立嗣繼絕其
必去君子以人君代天理物不可受人偏也人君命令之日即
皇天降生之初也一定其倫同之於此生而不可復易然後乃

可謂天倫也邦有羅繼之典三曰昭穆之失序也二曰神祢
之盜出也三曰本宗之絕嗣也還續也昭穆之失序由於屬疎
而未別也其補父子者初非真箇人倫也雖歲久而至於服喪
之後固當羅也神祢之盜出初非以生父之故也若自犯欺君
之科則既告有律亦可羅也然若或有不滿於後子所在歲久
之後托于盜科之典而羅之是則固常有亂倫欺君之罪惡可
羅也至於本宗之無后則雖欲羅繼之還續既為人後則兄倫
在之大倫反重於本宗其可以絕其方承之統乃還續已絕之
倫乎雖別求同姓之更繼本宗決不可羅繼而還續也南塘先
生以為此後子三書傳本則亦當服斬衰三年蓋為已子則於

也非庶子則正心正體之說亦无可論此乃前人所未終不
大有功於明人倫存心 英廟戊申乙亥逆家以後子 特命
羅繼而免隨生之律此雖出於大聖人好生之至德而既定之
倫隨其初福而有以變易則豈一定父子不同而生之義乎
當時該臣等即達白在既不能變 聖上明人倫之本意其流
之弊大至于今莫過良可嘆也

戊申逆臣沈維賢之子鈔羅繼還本宗自同平人至於登第進
臣陳達而削科此亦一大變矣乙亥賊李夏微子性春不願羅
繼而自就其坐死雖云逆之子亦可謂全其父子之倫矣蓋臣
曾有人後不犯逆者謂以本以某人之子螟蛉於某家自

同已出也啓罷其徒其在邦典亦將以爲人後之榮惟於所後家

者謂以本以宗人之子螟蛉於其家一般已出矣其所以大情
於倫在當如何哉只當先論其所生與爲後者施其當律而已
始聞之臣識見鹵莽至使父子倫隨其利害不致豈非大有
傷於王政在身石碣之請厚雖曰大義滅親只是割恩而已厚
雖伏誅其非石碣之子子爲後子之犯逆爲其父者亦當視若
石碣之旌厚矣如是而後父子之倫可明矣爲人上者固當明
著邦典以不失君而私自與受者施以重律既立後而羅經
還本者亦加以律則自無與奪凶弄倫紀胡亂之歎矣
○壬寅之禍士流除非血染金木則不免身竄嶺海李龍山

時在廣州寓居忽有一棟卒自補金吾吏而來謁李公曾拜金
吾郎訝其生面吏曰曾陪歲月何不記小人之面乎仍語及時
事乃自袖中出示備忘記嶺海淹滴多蒙放釋之恩而袖中又
出示一本、、請留者而辭歸李公饋之酒時李判書秉常謫
湖南淹島其任華重在同縣三山李公亟傳好消息本家齎其
朝紙備以奴馬往邀南陬事果至矣方伯啓聞之離山公遂被
逮以傳偽批方考訊時逆鏡按獄甌山公子錫老氏其尹行教
為異姓至親雖臭味不同素服錫老氏孝行時以亞卿在京錫
老席氏藁其庭乞活父命行教曰今日按獄者皆吾親知非
余^活之而伊誰卽出簡紙萬幅每幅手書名帖而給之曰吾方往

尼城而為君秘之君須以此隨其機而往復焉鏡賊之登有
曰賊本無罪飛自撲灯奈何如是之際禍或小弛甌山公有庶
子時年十五頗伶俐當日共奴來突見其隸吏蔭前一處而狀
貌可記同入京收各着懶程服物色訪之左累月通途其人於
名士會中其人目逆而避生乃探知其姓名即年人洪龍福也
官止玉堂受鏡賊輩誣害士流之漏網者要以此立功於亮
黨而進律於是登覽白子王府去黨亦難掩其偽批遂斬龍福
甌山公得脫禍網其庶子冲年竭其心力歸而病嘔血而死未
寔終始竭忠而死孝子忠奴俱可旌表以勵末俗矣尹行教即
極之子也於李氏不但為親屬即為恩人故李氏於邪正之辨

明於大體而已亦不肯嚴斥矣

○洪進士啓字其父禹龜參尹拯召還疏且其妹夫金范甲李
宦輔皆少論之極峻者其論難變而的見少論之不是處決意
歸正云

○俞潭陽勉基自其父命咸既為少論而及其父沒自有實見
得自遂歸正

○洪聖輔字人也辛壬年間立朝目見群臣以為羞與為徒遂
為老論

○余少時聞某人自其父祖為少論及父沒大覺其不是亦
思三年之久改之義及見少論扶護為逆乃曰如其非逆何待三

年遂文以告子靈遂遂歸正其姓名余忘之矣

歸正非特此數人累舉其縣其

他可推而知之。羅監役浚以其子類為其叔父良佐嗣孫曰汝則當為少論此不免詭而不正者歟

○少論注亦語老論曰老論不免尚氣是則不可不自知也此

言亦不異也然自非大聖人神化之境烏得免尚氣乎若惡孟

子好辯以為穢氣則當隨楊墨矣若謂朱子探弱不免尚氣則

當從陸氏矣若避東京黨人之氣節則做何等人乎然不可不

從其尚氣

○王子師傳成公晚徵字達卿号秋潭寒水先生高第其家在

志州而其子爾鴻得傳家學蘆補陰仕余聞其為嘗法家矣

一日得見近來稗說則成公兄獻徵七歲博覽羣書理學

高明天性至孝行誼過人至於百家衆技无不旁通事多卓異
年未二十少年從學於世衆會天寒學徒多漂下色之成公見而
憐之曰爾輩難於耐寒乎已而室中氣和暖者汗流年二十二
短折初得微恙飲食起居如常而謂其父曰死生常理不足
傷累陳白矣一日沐浴者湯其父世兄弟姊妹及妻面訣作
一詩曰仙人駕玉鶴歸路白雲間一去三千界碧天空自寥
遂命開戶白雲一片自空飛入房中倏復向空飛去異香滿室
笛聲自白雲中出羣犬向雲而吠及雲入瓦中而止余見此說
而然疑問于其通家少年多與此相符其言曰沐浴衣冠而辭
于家廟永訣親屬將欲歸盡其世衆從窓隙問曰汝果死乎

公卽蹶起曰此明路殊母氏慎勿乃爾遂手扶其母而入內寬
譬之歸臥其堂謂其弟子曰吾精神散亂汝抽周易某卦微吟
一誦又^誦一卦良久乃止曰吾精神已會矣遂命絕人皆異之云
至於白雲入房及異香笛聲等說未聞之矣蓋此說雖出於稗
說既涉荒唐故本家諱之歟未可知也

○己酉余逢尹君約休文問成公事君約即成知禮爾鴻女婿
為言其說聞與余所錄相符但白雲異香等說云亦未聞君約
曰成公嘗問虛齋學貫天人前知如神常靜坐焚香沉潛古書
一日奴耕春年公携杖往視其弟秋潭公隨之見乳犢縱橫躑
躑牛不能前公曰若是則不可耕即命抱犢而來以杖畫地而

置其中臥不能動耕將輟復畫地一邊犢乃起走索以刀割其
終作零、瑣、之狀杜公曰潭胡為乎欲作不緊底事乎公曰
心既有許多在但未措法事故欲試觀其實然汝既知之吾姑
當止後日昧爽而起出戶良久杜潭公踵其後家後有一山
谷開野處從山脊竊視之兵千萬馬彌滿一洞作一戰場而操
練未幾已秋潭公曰兄乎、可謂不緊公曰吾已料汝來觀
須臾即使廓然無跡此蓋奇門法云公有孽叔而性頗廣博公
常戒之而不悛公之讀書山房也叔往見之寺下有積灰方凍
以杖穿穴七數遂入見公、既叙情話乃曰胡為作不緊底事
乎叔曰吾何有所事而云爾耶公曰俄穿凍灰幾穴豈非見戲

予叔曰姪主真神人也第穿穴時吾未計其數也遂往數之
如合符契自是尤服其神明更不敢肆其廢習人有作不正之
事不敢來見蓋接人則洞視其心術云公以 肅廟丙辰生丁
酉卒秋潭公曰公以其才德不食其報當日山谷一事或為造
物所猜而然耶有文集一卷刊行方伯 啓聞其學行神明
贈持平奇事異聞不能盡記云

○趙進士尚然凡玉軒寄倫玄孫生於 肅廟庚午天資超凡
文藝夙就竹泉金公評其科狀詩大加稱賞壬辰司馬自昱隱
居舒川故里不復渡漢津竹泉物色試園欲簡拔而未果蓋其
所學透於易理仰觀俯察前知者神人莫之識既有前知者故

以其為國之心欲作需世之材每中夜獨坐者書畫深藏之凡
於陣法運籌及奇門遁甲之術無不洞知或申兵亂太守知其
抱才推以為義兵將固辭且曰亂必不久而平若以事於用我
本邑千摠張旣亦領南歷辭於公謂當赴死公軍赴嶺曰汝未
踰烏嶺賊已滅矣汝勿憂懼果如公言公從子司諫公擊有三
子長鎮翼形負俊秀文藝紆餘期以顯達次鎮斗名亦亞於其
兄皆娶賢婦於名閥季鎮井才不及兩兄駁子同鄉公獨
曰伯中妻必不永豈享爵祿之哭哉季必致位于卿其夫婦福
祿非兩兄比也人不以為然伯仲果早世季以明經登第夫婦
偕老姑未料致位之果何如而人始服其薛鑒嘗謂司諫公曰

君位必未崇官亦可休何不辭祿而食乎 英廟庚辰公年
七十一謂司諫公曰吾必以死矣今年吾死後不出數年 國
家將有大變君慎勿獲罪於朝問將有立難乎曰非也將有
國恤乎曰非也吾既無的見何敢成說君則伊時當在世可恕
復問而不答及其舉復前數日悉出所藏秘訣手自火之曰吾
死後此等書不可留也謂司諫公曰吾於乾象及曆數微有所
見期以為國效死於戊申韜晦鄉曲沈潛陣法及當戊申既無
出而可爲者 國祚幸綿遠早料其如此豈不應舉而圖而需
世耶伊後 國憂亦深遠一味隱居蓋由所業未及遠一闕故
也若如晚年所識則豈其然哉都使自己世窮而止而身已亦

可笑也公沒之後幾年從孫鎮斗始謂其家人曰吾於公晚年
獨侍床下夜已深矣敢請一見神術公乃曰汝既慎言似不出
口矣遂命滅燈微有所語須臾火復明矣復請見公乃推窺月
白庭中四顧寂寥庭畔有卷確隨公後而出公微有所語止何
空確自卷此特爲小子示其小技而公乃曰吾嘗見六丁之
神蓋公之造詣雖不可的識抑亦武侯誠意之流也然而抱才
遜世世莫知可惜也已鎮斗之子觀永畧傳如此

○金聖重載鼎葬其子婦于泰安地土人趙鎬偷葬其繼母於
左岡訟旣屈定掘日鎬謂其家人曰爲人子而旣葬其親卽又
掘之所不可忍吾將往而泣乞如不得則誓不復踰大峙而還

乃席藁泣懇于中階三日復退伏于中庭者三日復退于下庭者三日夙夜伏地風雪逼人而身不少搖全廢寢食至于骨立聖重避于僧舍則輒隨之抱柱而立亦如之聖重避于內舍欲使泰安官投歸之方草文狀忍聞輒哭聲藹然出於誠心乃曰彼之至誠足以感神亡人只有一塊肉吾所以懇然於彼者非所以積善也遂投匭使陞堂輒固辭遂許叩掘輒復下庭百拜感泣遂拔其刀裂掌邊數寸刀鈍不入而強挿刀以裂之至于血淋漓人皆輦蹙之輒顏色自如遂陞堂索硯墨以灌之曰主人之恩死不可忘此指所以志也且我子豚犬必能銘骨不如此當歿尸時見此墨痕庶幾怵惕于中而世不能忘也自是有

時造門獻生鰓至死不懈蓋聞鎬居常事父母孝與鄉人信鄉人素所感服嘗以逋租當囚鄉人咸曰吾鄉豈可使此逮人繫乎即日收租畢糴及其死人皆贖咨涕洟奔走賻奠焉聖重卽我戚再

從弟也其子競從余遊焉言其事始末頗詳

○世或言延平李忠定公貴父廷華居公州地家貧而有四子忠定其季也時有仁同張氏家寡居婦人只有一處子時年十八内外近親無一丈夫家甚貧無與議婚者家有忠奴一人幹其百務婦人招其奴而下詢曰吾女婚將過時既無親屬而可與議者與汝相議事涉如何而奴主亦君臣臣可以當國事汝其念哉奴乃辭謝不敢承命乃曰小人亦豈不念念哉公州有

一士夫家童子骨相不凡可以位極人臣我少主足可作配而
享其多福小人揣摩已熟矣顧其家貧甚婚不可竣選自我上
典家發說則焉可辭也婦人曰所恃者汝汝往欽哉姓李氏
家主人方耘門外田奴既傳其主之命以爲小人先見卽材而
歸告則當有上典親屬更來言定矣適有一童子穿短布衫短
布袴洗而過庭主人曰是吾子也聞敢能上典家事幹可謂忠
奴與奴成言歸告甬主而成昏可也何必更送族人也奴乃辭
謝曰昏禮既是莫重大事以豈奴子所敢干與而決定者乎主
人張而後乃曰然則謹當唯命請受四柱單子已而相與語曰
不必遠路數數往來仍爲擇日無妨奴自請自擇吉日乃曰某

月某日極吉主人亦知擇日家書驚問曰汝何熟於方書守奴
乃言曰昏日既不遠小人上曲家雖貧固當稱家有無而備禮
伏想男婚所備太難及期聘幣等所入一行人馬糧費小人當
備以來待矣主人忽地生疑於心上微有難色奴乃還納莊單
曰士夫家昏禮何等重大而輒許而復疑則害不可成也且小
人上曲乃處子過家豈可苟且言定乎小人從此辭矣主人曰
吾是是矣奴曰小人知己之矣遂回程主人隨出挽衣曰汝為
他心通乎五與牢約而送之還奴告其主曰曰得无違約乎
對曰小人結約已牢寧可違乎婚日將至奴告家甚湫隘請移
居小屋已辦于一洞什光皆具及婚日奴家始具奴所盛備不

讓於富貴家既成婚奴又來告曰書房主貧乏資生且與居相遠
小人已備一家舍請以禡老爺之令往請其舉家搬移卒如其
言尾屋又備一洞相距密通又請以渠身別給少主老婦人曰
吾家只有渠一女吾家一奴莫非渠奴寧有別給奴曰不然小
人方諫上典主後寧用減部之例子其主曰汝功甚大吾欲作
一文券許以放良奴曰不願也願為少主之奴其主已地作謄書文
券奴曰姑俟書房主在坐作券其主如其言如家生理奴
皆經理常是寬之及忠定參伊霍議奴知之乘夜潛謁曰
上典方有大計以此用心嗾唾之聲亦異平時此事小人不可不
知忠定心自驚置長釘于膝底答曰吾與爾密語汝可入

房奴曰上典欲殺小人而小人不可殺也小人年十八以八十
文錢貨殖六年以立上典助家產業至于今賴于小人今此大計
不欲使小人知之還欲滅口小人寧敢就死地乎若殺小人事以
難成願擲膝底鈕小人當入房也上典與曰鈕雖在側寧可殺
汝也卽推窓擲地奴遂入房遂告以實奴曰此事為私乎為國乎
忠定涕泣曰為國丹心死生以之寧敢為私奴亦涕泣下堂而
拜曰真忠臣也其將舉義末由卜日與其奴謀曰去日則汝可
卜矣奴曰小人雖粗解天時此何等大事而乃敢以賤人當此
大事乎嶺南某邑有鄭哥加班小人請們十里名驛某願及某
日到其家一宿則雖某所問自可得吉口各還矣其至如其言

訪鄭姓人自云過客寄宿房中有兩箇物非狗非猫非羊
非猪投之以飯則食之其狀不忍正視客問彼何物也至人涕
泣曰吾賦命陰釁未有子女適有双胎生彼兩物既孕骨內不
忍棄之也蓋有生之初卽兩箇佳兒三四歲漸成以此狀極
可怖也仍曰夜間不可不扶護妻病願獨宿置兩物于房隔小
房明燭入去兩童相語曰汝知彼客乎弟曰李貴也兄曰來何
故也弟曰方欲得反正吉日而妻兄曰汝亦能知之矣然則矣
何日爲吉弟曰三月十二日某時吉矣兄曰日則可時則不可
此時稍危而事難卽成某時爲吉弟曰果然忠定穴窻窺見
則兩箇奇男子也非復日夕之兩物遂開窻入座曰以如此形

貌變作如彼物件使尊大人痛心是可謂孝乎答曰吾等方十
二歲早知十五并夭折以其真面目事親而早死大人將何以
全其性命乎是故示以如此之狀欲使大人無所痛心焉曰吾
事可成乎曰可成矣忠臣也一笑而復不言忠臣即起而不辭
主人策驪而還奴迎拜曰吉日云何曰某日奴遂左右周旋也
忠定用其謀云及事成請公州舊厝土地入于賜牌子子孫孫
世世相守以至于今本家子孫亦不以奴待之或有發身者
或爲家客云其奴有藻鑑且有陶朱之術其於殖貨也周流四
方見忠定狀貌而奇之使其主妻之以女又識嶺南鄭姓人終
能使其主就此卜日卒贊興義之謀而自謀其子孫之保其

亦奇哉此事顯未雖未的知其實然傳者之言似或有稽故姑

記之欲問於其子孫張氏家立後及鄭家兩童之果短折於十

五歲未有聞焉

舉議時被隸有知之者潛伏關外橋下欲先殺

云

○余年將七十閱歷世事者亦已多矣有一士夫家娶婦則狀

貌不及平人知覺難下教參舅姑謂然歎曰此係家運亦將奈

何只願生子而使我有後其夫亦曰是吾八字不吉之致只當

善待之不失在我道理而已卒乃多子多孫至有村慶又有一士

夫難御悍妻自依癡癡者不啻容巽順每被其補其庸下避而

甘受其過其妻老死子孫蕃衍又見一士夫娶婦容貌才能蚤

有稱譽性亦無悖而及幹家務適適不能解事稍致蕩敗舅姑
曰是不可任以家事也命退處後房使伶俐婢子掌其家務老
婦人與衆女執其權爲其夫者以父母之不宜而亦不宜之思
自薄矣雖有子女而閨裏之怨情亦可憐矣及舅沒姑老而子
亦成人不久而母子俱亡而無後取同宗人立嗣又見士夫家
一老寡婦愛其子婦之富而致其虐者厭其貧而貽其憂者負者
難於事姑而輒受其稍責其夫承其母指薄待之姊妹妯娌間
有訐訐夙夜腐心以生奇疾無子夫折爲其母者寃泣號天曰
彼家必滅門矣其夫後娶而子爲後子始則多子女思生家無禍
禍數歲之內舉家沒死蓋夫婦人倫之始於此不正其不能保

者天理昭昭婦雖不宜矜其不能而包容者必有後焉平生所
驗不止於此數家其於夫婦之倫始不能正則倫皆自薄無可
觀矣詩曰刑于寡妻至于兄弟以御于家邦可不念哉可不戒
○臯陶與禹稷契同受精一之心法刑期于無刑民協于中而
三后之後皆有天下臯陶之後獨不能有天下何哉蓋天道好生
而惡殺故耳竊觀剛善之人帶得肅殺之氣柔善之人含以溫
和底意肅殺之氣不能生物溫和底意未嘗害物是故剛善之
人其於子孫化化生生終不若柔善者理固然也月汀之有後
不及梧陰之多子清陰之纏絕不若仙源之多孫此亦可驗
○昔嶺南有朴孝浪姊妹兩人父死而無兄弟朴忠正公彭年

後孫慶餘葬其親于親山至近之地二處子爭訟勢不可禁乃
著男服入京凡所周旋靡不用極而亦無奈何乃夜半掘其塚
焚其棺慶餘家聞之大發家僮及村夫圍之二匝救其焚二處
子罵亂卒所害人皆憐之號曰孝娘當 端宗復位之日以朴
忠正後孫慶餘首拜 莊陵叅奉凡有東顧之心而尊仰忠正
之節者孰不欲有其十世也哉是以陶谷李相國宜顯時爲方
伯而當朴二山訟終始抑之二處子畢竟致其作冤魂李公扶
獎忠義之心可驗於所推而旌其中不能無私意之偏係則世
之公議稱孝娘之冤而傷歎者亦何能已哉陶谷後嗣幾字將
絕人或言其必由於使朴孝娘冤死

○余嘗拜愍節書院考其尋院錄殆盡老論名畧有少論而午人則無一來拜者蓋六臣世所稱萬古忠臣而凡有血氣者莫不尊慕午人之獨不來拜抑何心哉昔賊臣許積於廷中以三學士爲喜事釣名之人蓋其黨本與節義相背故尊慕六臣殊異乎吾黨斯可驗拂人之性矣宜乎其得罪於名教也

○朴定齋奉輔始則附麗拯黨代舉羅良佐斥尤翁疏終則能與吳李諸公抗疏於坤宮遜位之時以三大節其亦異哉昔東坡媚疾程子而亦有不屈之操王倫和附秦檜而終能舍生取義人之賢亦肖不可以一槩論定也尚矣朴公甚似蘧王之平生則瑕瑜之自不相掩家國之因之輕重當有百世之定論

矣或曰人之邪正自有大體細節之分大體是正而不能無細
節之累大體是邪而或有小節之善以觀人大法而不可之易
者也如程子尤翁大賢也背馳此兩賢則大體是邪也小人也
雖有一節之可補亦何足比擬於君子之列也此固當當辨是
非定淑慝之論也雖然朴公所樹立亦不可以小節之善論之
其直氣凜凜於桁楊灼鉄之下其所遲晚只在十年經歷不能
輔導君德致有以今日過舉一語而已辱出關門閤巷婦孺
環以四面顧一見忠臣生面則民之事藝大可見矣雖以尤翁徒
嚴於邪正之別而亦不忍以其始之大體求定竟沒其終之植倫
而死第者也吾嘗思子之倘可憂念秉筆之歛公而毋或罪我

以慙於尊賢之誠可乎

朴公書院在露梁 賜額鑒江老論
主張院事院長齋任至于今皆老論云

○朴公之登第也即日唱名喉院隸卒將裂袍摔去以乃國

朝由來舊習而先輩之所不免者也朴公正色叱之曰人臣初

見君父之日寧可無禮若是乎院隸皆却之相顧曰若犯此新

恩當科何事之出耶公乃整巾袍翼女而進四拜而伏肅廟

俯視曰極恠妄矣及己已親鞠時上曰吾於其唱第時已知

其妖惡矣蓋我國以科第取人而事君使臣之道以以禮者

實權輿則呼之若奴隸投之如罪囚者是豈事道使禮之兆朕乎

然既入類波能依砥柱者從古以來唯朴公一人而已其叱退

院隸趨進殿陛之時威風禮容並行而不悖此其所以卒能不

挫於雷霆之下而樹節死義者歟

○李監察尚觀卽允翁之徒以弊衣冠來哭其死於祭文不書年月干支及姓名旣讀不興主人言卽歸人莫之知也其文曰樂有賢父繼兩祖烈名同孔劉天均忠潔楚臣沉日魯侯廟側埋甬之骨東峯之麓其以屈左徒懷石日卒于六臣廟側葬于梅月堂墓傍其亦異哉

○清城金公嘗以金監司澄爲湖南伯憑其母夫人壽康君受守宰之賂致之贓罪而坎垠終身後於稠坐中清城見二少年秀出輩流問是誰家子則乃金監司二子也公大驚曰此人并可致位卿相其將報其血怨則吾死無葬地矣適有富譯之所

親信者亦爲彼狎客者潛與謀其釋怨一日富譯來告金監司
夫人方疾草醫云非人藥幾許片莫可奈何諸子束手相泣而
已公乃潛因富譯不權其輕重而繼其用俾若自効其誠者然
疾既愈富譯乃告其實二子驚且泣曰不圖斯人於我父母虎
焉警急後爲恩寧忘其誓不忍背恩二家卒相保全二子即右
議政構吏曹參判大提學樣也構之將通銓卽也當時宰執
有枳之者或曰第觀其人而後枳之及見而退歎曰雖金澄之
子不可枳也樣登己卯科由李聖輝等賊科事削其金榜咸階
樣之未克登庸至十五年而復其科二子之秀出輩流斯亦
可徵矣

○丁丑南漢之被圍也忠清監司鄭世規星夜進兵陣于險川
賊自高峯壓擊一軍敗戮世規落絕壑賴下卒推挽得脫時連
山縣監余弘翼藍浦縣監李慶善金井察訪李時哉力戰死
之弘翼親犯矢石手殺賊最多後力竭而死時連山通引張士
禎年十八娶妻者纔數月而從軍執兵周旋於左右而不離軍
竟抱公腰而同死其妻聞之自頸下從夫妻並旋閭連二人立
公去思碑于邑外數里許後遷于邑門外以忠烈二門左右焉
昔魯童子汪錡執干戈衛社稷死于即役士禎雖非童子亦汪
錡戰死之年若在仲尼之世則其補美也豈下於勿殤哉金公
卽鶴洲文貞公弘郁之兄也 贈承旨旌閭令 上辛亥加

贈吏曹判書 賜謚忠愍

○黃判書一夏初名欽其再從弟判敦寧公夢黃欽登科致位請其再從兄改名而終不許判敦公遂改名曰欽判書公怒曰以弟而奪兄之名何必與渠同其行列哉乃改名其曰一夏判敦公既登第顯擢而判書公年踰五十而坎壈居南漢城下而躬稼立于田畔董其農役逢廣州府尹之過前路僮僕荷鋤而立縱觀官儀之盛喟然歎曰兩班亦有累層居官長位而如彼食祿者兩班也隨奴婢以後而如此食土者亦兩班也公聽若不聞其後京畿監司又過其路奴婢以相語亦如前日公年迫六旬始登第歷廣尹所伯行過其路其僕已死矣公位至三宰

與判敦公並顯揭一夢竟驗於兩人其亦異哉公少入試園也
貧無以備饌只以鹽鹽拌飯咒饌鹽乃俗儒之所大忌於入場
者也公既擢第嘗云大凡俗忌皆可笑也判敦公諸子於科表
不敢書飲字或白而出後以父命書之而登第

○孝廟朝有許生者隱於城南家貧好讀書世莫知其名厨烟不
起者五六月猶讀書不倦其妻投烟而罵曰丈夫州無道身之
策而只目讀書而已乎人將戲死讀書不倦許乃嘿然靜坐而思
之者數日時有荅問中人稱丁富貴官榮傑也許乃往見曰我
乃南山下許生也富人曰別為宰訪我也許曰乃我讀書固
窮年竹竿勢將填壑若欲圖生願貸戲一萬緡富人熟視之乃

曰謔且今見在尉難以滿万姑俟數日更來輸去如其言迺一
歲而復來見富人曰一萬不足更貸一萬富人曰諾又迺歲而
來復貸一萬迺初經六載而駁錢六萬來償富人曰何行術
而致此許曰吾以三萬鈔周流八路處之增息而收此數萬實
以致十萬雖償六萬尚有餘錢四萬也富人只受三万曰吾既
貸以取利非本意許乃以七萬錢備百物裝載大船入海船人
從者亦多有一大島無人其廢乃伐木構茅而居播以百穀然
而載獲不知幾万乃謂諸人曰此非可居之地若久則居必
與異國生鬻於我國不利可得也載穀而泊陸地增虧之不
幾許萬散與諸人曰爾等只輸一萬予吾家及得回語其妻曰

與錢千緡足可資生遂以九千錢日市酒肉與窮人共之錢乏而止許曾不飲酒至是酒亦無量矣乃言曰吾期以三十年讀書至二十五年爲達人所激是吾恨也復社門讀書富人之獨能知其爲異人者其亦異哉及孝廟謀北伐某公院以八壯士中人預其謀富人卽李公所知乃密薦許生曰非此人無可與計事者李公曰何以可交富人曰善載酒而去可交也李公乃多備名色酒富人曰一壘足矣李公乃與富人偕往飲酒依闌話如是者再三酒後語及北伐事許曰我於公初見時已知之矣李公曰北可伐乎許曰可矣然北伐之謀有三件事可先行者行此三者然後乃可以伐李公問三者何事許曰

我國使入燕探彼國陰事例有行賂而只以白金二百兩備數
而此亦不用如是而可伐乎必齎十萬然後乃可公可以辦此
事李公曰吾可以辦矣又曰

皇朝人流落者子孫我國不

能成士族如是而可伐乎必收用唐人子孫以通情顯然後乃
可公可以辦此事李公曰吾可以辦此矣又曰我國公主嫁于
清國諸王我國大君王子娶彼公主然後乃可公可以辦此事
李公曰是則決不可也許曰不如是何以見朕于彼而密探虜
情耶吾知此伐之必不諧矣他日復往則其室虛矣

○卡景三台鎮以請名於士友中嘗游安州百祥樓有一妓謂
得一詩時兵使與牧使在座曰汝能得應上輒對以一詩當首

金賞汝也卽呼韻景三應聲成詩曰閨西形勝百祥樓之興齊
名甫楚喉携上畫欄歎一曲輕塵飛下塞雲秋一涯諷詠數美
妓乃受百金之賜

○靜菴趙先生之賜死也金吾卽方受命而出關門其從妹買
牛血一瓮于屠肆待關門外請其暫見金吾卽辭以王命亦可
暫滯其妹直前馬頭手血哭而泣曰吾兄其將留惡名於後也
願押此血落馬於涼州門磚石而吐此血必免此行矣其
言落馬吐血作昏窒狀果換送他卽云蓋先生之受後命雖山
谷姬亦痛哭況都下士族婦人之心乎然爲從兄身命辦此事
其亦賢婦人矣此雖謠傳而似非虛說故茲記之

○洪萬迪以少年才士二十二歲魁司馬試謁聖日見榜下老人喜不自勝數教掩口而獨笑惟問乃湖南林進士也遂與之接語曰吾以弱冠魁試而猶不知其甚喜是幸少成何其若是早矣客曰吾不以是科爲喜也昨得鄉信聞兒生男深喜七十始有姓孫而然也洪四十三乃登科文居首者卽林象德時年二十二當日榜下老人之孫也



